

---

BOSNA I HERCEGOVINA  
Federacija Bosne i Hercegovine  
KANTON SARAJEVO  
GRAD SARAJEVO  
**GRADONAČELNIK**

---



**Grad Sarajevo**  
**City of Sarajevo**

---

BOSNIA AND HERZEGOVINA  
Federation of Bosnia and Herzegovina  
CANTON OF SARAJEVO  
CITY OF SARAJEVO  
**MAYOR**

---

### Informacija

o realizaciji zaključaka Gradskog vijeća Grada Sarajeva upućenih Gradonačelniku i obaveza preuzetih usvojenim aktima Gradskog vijeća Grada Sarajeva, za period januar - juni 2018. godine  
(Informativni materijal)

Predlagač: Gradonačelnik

Obrađivač: Gradska služba za opću upravu  
i zajedničke poslove

Sarajevo, oktobar 2018. godine

---

**Adresa:** Hamdije Kreševljakovića 3, 71000 Sarajevo, Bosna i Hercegovina  
**Tel:** +387 33 208 340, +387 33 443 050; **Fax:** +387 33 208 341  
**e-mail:** grad@sarajevo.ba; **web:** www.sarajevo.ba



**EYOF 2019**  
Sarajevo & East Sarajevo

U skladu sa Izvještajem Kolegija Gradskog vijeća Grada Sarajeva broj: 01-GV-02-646-1/18 od 05.06.2018. godine, dostavljamo sljedeće:

Na 11. sjednici Gradskog vijeća Grada Sarajeva, održanoj 31.01.2018. godine, usvojena je Odluka o uspostavljanju saradnje između Grada Dohe i Grada Sarajeva (“Službene novine Kantona Sarajevo”, broj 7/18).

#### **Realizacija**

**U skladu s članom 3. navedene Odluke, gradonačelnik Sarajeva potpisao je Sporazum o bratimljenju između Grada Dohe i Grada Sarajeva, 19.02.2018. godine u Dohi, Katar.**

**Time je realizirana obaveza preuzeta aktom Gradskog vijeća Grada Sarajeva.**

Na 12. sjednici Gradskog vijeća Grada Sarajeva, održanoj 28.02.2018. godine, Odbor za društvene djelatnosti je uputio inicijativu kojom je predložio Gradskom vijeću donošenje zaključka:

“Zadužuje sa Gradonačelnik da, što je prije moguće, realizira sredstva planirana u Budžetu Grada Sarajeva za 2018. godinu, a namijenjena za podršku mlađih kategorija u FK “Sarajevo” i FK Željezničar”.

#### **Zaključak realizovan.**

Na 14. sjednici Gradskog vijeća Grada Sarajeva, održanoj 28.03.2018. godine, na prijedlog Odbora za društvene djelatnosti, usvojen je sljedeći zaključak:

“Zadužuje se Gradonačelnik da, tokom godine, preispita važeći propis i predloži rješenje za poboljšanje stanja, te, ukoliko to ocijeni potrebnim, predloži Gradskom vijeću, u redovnoj proceduri, Odluku o utvrđivanju sportskih manifestacija od značaja za Grad Sarajevo kojom će se odrediti i redefinirati kriteriji i procedura za finansiranje sportskih manifestacija od interesa za Grad Sarajevo, a u smislu razrade utvrđene politike i planiranja povećanja sredstava za provođenje takvog propisa u Dokumentu okvirnog budžeta za naredno razdoblje.”

#### **Realizacija**

**Donošenje nove Odluke o utvrđivanju i načinu sufinansiranja sportskih manifestacija od posebnog interesa za Grad Sarajevo, predloženo je i planirano izmjenama i dopunama Programa rada Gradskog vijeća Grada Sarajeva za 2018. godinu, za decembar mjesec tekuće godine.**

Na 15. sjednici Gradskog vijeća Grada Sarajeva, održanoj 25.04.2018. godine, Odbor za društvene djelatnosti je uputio inicijativu kojom je predložio Gradskom vijeću donošenje sljedećeg zaključka:

“Zadužuje se Gradonačelnik da razmotri mogućnost da se, po zahtjevu FK „Željezničar“, sredstva planirana za izgradnju južne tribine na stadionu „Grbavica“ u Budžetu Grada Sarajeva za 2018. godinu, prenamjene za izgradnju terena na stadionu „Grbavica“, te da predloži Gradskom vijeću rješenje za realizaciju ove inicijative”.

#### **Zaključak realizovan.**

Na 15. sjednici Gradskog vijeća Grada Sarajeva, održanoj 25.04.2018. godine, u povodu razmatranja Izvještaja o kulturnim manifestacijama od posebnog interesa za grad Sarajevo u 2017. godini, usvojen je sljedeći zaključak:

“Zadužuje se Gradonačelnik da svojom odlukom formira tijelo koje će razmotriti važeći gradski propis o manifestacijama iz oblasti kulture od interesa za Grad Sarajevo i predložiti rješenja za izradu novog propisa, a koje će činiti predstavnici nadležne službe Gradske uprave, predstavnici Savjeta za kulturu Gradonačelnika i Odbora za društvene djelatnosti Gradskog vijeća Grada Sarajeva”.

## **Realizacija**

U maju mjesecu tekuće godine gradonačelnik Grada Sarajeva donio je Odluku o formiranju Radne grupe za analizu postojećeg i donošenje prijedloga rješenja za izradu novog propisa o manifestacijama iz oblasti kulture od interesa za Grad Sarajevo.

Donošenje nove Odluke o utvrđivanju i načinu sufinansiranja kulturnih manifestacija od posebnog interesa za Grad Sarajevo, predloženo je i planirano izmjenama i dopunama Programa rada Gradskog vijeća Grada Sarajeva za 2018. godinu, za decembar mjesec tekuće godine.

Na 16. sjednici Gradskog vijeća Grada Sarajeva, održanoj 30.05.2018. godine, na inicijativu Odbora za društvene djelatnosti, Gradsko vijeće Grada Sarajeva je usvojilo sljedeći zaključak:

“Zadužuje se Gradonačelnik da predloži Gradskom vijeću donošenje određenih kriterija za uređivanje visine finansijskih sredstava koja se opredjeljuju za određene projekte, ovisno o vrsti i sadržaju projekta, a koji se finansiraju putem pokroviteljstva Grada Sarajeva”.

## **Realizacija**

Finansiranje projekata putem pokroviteljstva Grada Sarajeva vrši se u skladu sa Odlukom Gradskog vijeća Grada Sarajeva o uslovima i postupku prihvatanja pokroviteljstva Grada Sarajeva. Shodno navedenoj Odluci, gradonačelnik Grada Sarajeva je donio Pravilnik o kriterijima za prihvatanje pokroviteljstva Grada Sarajeva, kojim su utvrđeni opći i posebni kriteriji, na osnovu kojih se i dodjeljuju finansijska sredstva.

Dakle, realizacija predmetnog zaključka, moguća je izmjenama i dopunama navedenog Pravilnika, od strane gradonačelnika Grada Sarajeva, o čemu će Gradsko vijeće Grada Sarajeva biti svakako informisano kroz podnošenje redovnog godišnjeg izvještaja o provođenju Odluke o uslovima i postupku prihvatanja pokroviteljstva Grada Sarajeva.

Na 16. sjednici Gradskog vijeća Grada Sarajeva, održanoj 30.05.2018. godine, na inicijativu Odbora za društvene djelatnosti, Gradsko vijeće Grada Sarajeva je usvojilo sljedeći zaključak:

“Traži se od Gradonačelnika da Gradskom vijeću dostavi informaciju o toku realizacije inicijative vezane za uspostavljanje Dana osnivanja Grada Sarajeva”.

## **Realizacija**

Rješenjem gradonačelnika Grada Sarajeva broj: 01/04-05-768/18 od 01.02.2018. godine formiran je Izvršni odbor za organizaciju manifestacije „Dani Isa-bega Ishakovića“, sa ciljem da se obilježi lik i djelo Isa-bega Ishakovića, osnivača grada Sarajeva, sa prigodnom manifestacijom. Aktivnosti su vođene u saradnji sa udruženjem “Isa-beg Ishaković”, u periodu februar-mart 2018. godine, a 02.03.2018. godine održana je manifestacija „Dani Isa-bega Ishakovića“ sa sljedećim programom:

- Obilježavanje i promocija bitnih lokacija iz Vakufname Isa-bega Ishakovića;
- Promocija Zbornika radova sa okruglog stola „Isa-beg Ishaković i njegovo vrijeme“;
- Otvaranje (Gala) izložbe u saradnji sa Historijskim arhivom BiH.

U kontaktu sa naučnom zajednicom, historičarima, poznavacima vremenskog perioda u kojem je radio i djelovao Isa-beg Ishaković, autorima Zbornika radova sa okruglog stola „Isa-beg Ishaković i njegovo vrijeme“, zaključeno je da se zbog određenih ne ispunjenih preduslova (učesće većeg broja historičara i stručnjaka, dovoljno vremena za kvalitetnu organizaciju i dr.) odloži organizovanje međunarodnog naučnog skupa o liku i djelu Isa-beg Ishakovića za 2019. godinu.

Na pomenutom međunarodnom naučnom skupu bi se sa naučnog stanovišta, potkrijepljenog historijskim činjenicama, dokumentima i relevantnim stavovima većeg broja stručnjaka mogao odrediti konkretan, naučno utemeljen, Dan osnivanja Grada Sarajeva.

Dakle, realizacija predmetnog zaključka biće moguća tek po realizaciji gore pomenutog, odnosno kad se steknu uslovi.

Na 17. sjednici Gradskog vijeća Grada Sarajeva, održanoj 27.06.2018. godine, Odbor za društvene djelatnosti uputio je inicijativu da Gradsko vijeće svojim zaključkom zaduži Gradonačelnika da razmotri mogućnost da Grad Sarajevo sa 3.000,00 KM iz Budžeta Grada Sarajeva za 2018. godinu, podrži rad udruženja „Kolibri“. Gradsko vijeće je razmotrilo inicijativu i usvojilo sljedeći zaključak:

“Zadužuje se Gradonačelnik da razmotri mogućnost da Grad Sarajevo sa 3.000,00 KM iz Budžeta Grada Sarajeva za 2018. godinu, podrži rad udruženja „Kolibri“”.

#### **Realizacija**

**Nacrtom Budžeta Grada Sarajeva za 2019. godinu, planirana je podrška radu Udruženja “Kolibri”.**

Na 17. sjednici Gradskog vijeća Grada Sarajeva, održanoj 27.06.2018. godine, Odbor za društvene djelatnosti uputio je inicijativu, a Gradsko vijeće usvojilo zaključak, koji glasi: “Zadužuje se Gradonačelnik da, u saradnji sa JP Sarajevo d.o.o., organizuje izlet žičarom na Trebević za djecu sa posebnim potrebama o kojima se brinu volonteri udruženja "Dajte nam šansu" i "Kolibri", ali i drugih u druženja u gradu koja imaju slične ciljeve.”

#### **Realizacija**

**Shodno navedenom, dana 12.09.2018. godine organizovana je posjeta i obilazak Vijećnice, a zatim vožnja žičarom za 100 korisnika Udruženja "Dajte nam šansu". Za ostala navedena udruženja biće također organizovan sličan izlet u narednom periodu.**

Odgovori na vijećnička pitanja i realizacija vijećničkih inicijativa su sadržani u Informaciji o realizaciji vijećničkih pitanja i inicijativa za tekuću godinu, koja je primljena k znanju na 18. (julskoj) sjednici Gradskog vijeća Grada Sarajeva.